



**REPUBLIKA E SHQIPËRISË**  
**MINISTRIA E EKONOMISË, TREGTISË DHE ENERGJETIKES**  
**DREJTORIA E PËRGJITHSHME E POLITIKAVE TË ZHVILLIMIT TË BURIMEVE**  
**NATYRORE**  
**DREJTORIA MINERARE DHE INDUSTRIALE**

---

---

**URDHËR**

Nr. 384, datë 10. 1.2011

**PËR**

**MIRATIMIN E PROCEDURAVE TË REGJISTRIMIT DHE DOKUMENTACIONIT QË  
REGJISTROHET NË KADASTRËN MINERARE DHE NË REGJISTRIN MINERAR SI  
DHE FORMA DHE PROCEDURAT E RAPORTIMIT TË KËTIJ DOKUMENTACIONI  
NGA ANA E ZOTËRUESVE TË LEJEVE MINERARE**

Në zbatim të nenit 102, pika 4, të Kushtetutës së Republikës së Shqipërisë, të nenit 44, pika 2 dhe nenit 56, pika 2, të ligjit Nr.10304, datë 15.07.2010, “Për Sektorin Minerar në Republikën e Shqipërisë”,

**URDHËROJ :**

1. Regjistri minerar përfshin të gjitha të dhënat për regjimin juridik të sipërfaqeve të zonave minerare dhe të sipërfaqeve fqinje, pronësinë, situatën topografike të zonave minerare e të punimeve mbështetëse të veprimtarisë minerare, për rezervat dhe për prodhimin minerar, si dhe të dhënat për zotëruesin e lejeve minerare si më poshtë:

***A. Të dhënat për regjimin juridik të sipërfaqeve të zonave minerare dhe të sipërfaqeve fqinje:***

- a) Zona minerare me numër identifikues Nr....., për të cilën është miratuar leja minerare dhe që përfshihet në planin vjetor minerar të miratuar për vitin ..... dhe licencuar me lejen minerare **nr....., datë.../.../.....**
- b) Lloji i mineralit/mineraleve, për të cilin është dhënë leja: .....
- c) Sipërfaqja e zonës së lejuar të lejes minerare në km<sup>2</sup>: .....
- d) Harta e zonës së lejuar të lejes minerare me koordinatat shtetërore në plan, regjimi i saj juridik sipas aktit të verifikimit të strukturës përgjegjëse (një kopje e saj origjinale).
- e) Harta e zonës së lejuar të lejes minerare me koordinatat shtetërore në plan, e miratuar nga struktura përgjegjëse sipas vendimit të këshillit teknik (një kopje e saj origjinale).
- f) Harta e zonave fqinje me zonën e lejuar të lejes minerare, regjimi i tyre juridik sipas aktit të verifikimit të strukturës përgjegjëse (një kopje e saj origjinale).
- g) Akti i miratimit të lejes minerare që përgatitet nga drejtoria përgjegjëse në METE që

- mbulon veprimtarinë minerare dhe miratohet nga Ministri;
- h) Formati i lejes që publikohet nga Institucioni i QKL;
  - i) Emërtimi i njësisë vendore/njësisive vendore ku përfshihet zona e lejuar e lejes minerare: .....

**B. Të dhënat për pronësinë e tokës të sipërfaqeve të zonave minerare dhe të sipërfaqeve fqinje:**

- a) Akti i pronësisë të sipërfaqes së tokës së zonës së lejuar minerare apo ndryshimit të kësaj pronësie pas miratimeve nga strukturat përkatëse sipas legjislacionit shqiptar në fuqi.
- b) Akti i pronësisë të sipërfaqes së tokave fqinje me zonën e lejuar minerare apo ndryshimit të pronësive të tyre pas miratimeve nga strukturat përkatëse sipas legjislacionit shqiptar në fuqi.
- c) Akti i ndryshimit të destinacionit të përdorimit të tokës pas miratimeve nga strukturat përkatëse sipas legjislacionit shqiptar në fuqi.

**C. Të dhënat për situatën topografike të zonave minerare e të punimeve mbështetëse të veprimtarisë minerare, sipas projektit të zhvillimit të veprimtarisë minerare të miratuar dhe të përditësuar:**

*Për lejet minerare të kërkim-zbulimit*

- a) Vendndodhja administrative;
- b) Gjeografia e zonës, relievi, klima, bimësia;
- c) Ndërtesat dhe objekte të infrastrukturës në zonën e lejuar;
- d) Hidrografia, hidrogeologjia;
- e) Demografia;
- f) Ekonomia e zonës dhe aktivitetet kryesore;
- g) Përshkrim i punimeve të kërkim zbulimit;
- h) Skema e furnizimit me ujë;
- i) Skema e furnizimit me energji elektrike;
- j) Skema e transportit të përgjithshëm;
- k) Pasqyra përmbledhëse e pajisjeve dhe mekanizmave të përdorura në nëntokë dhe sipërfaqe;
- l) Tabela përmbledhëse e investimeve;
- m) Harta topografike me zonën e kërkuar me dokumentimin e infrastrukturës së aktualizuar (e azhurnuar);
- n) Harta gjeologo-topografike me punimet e kryera për kërkim zbulimin e xeherorit (kanale, puse, galeri shpime);
- o) Planimetria e përgjithshme e minierës me punimet e kërkim-zbulimit, rrugët, sistemimet, vendosjen e objekteve sipërfaqësore dhe sheshet e depozitimit të sterileve, e projektuar.

*Për lejet minerare të shfrytëzimit dhe kërkim-zbulim-shfrytëzimit*

- a) Vendndodhja administrative;
- b) Gjeografia e zonës, relievi, klima, bimësia;
- c) Ndërtesat dhe objekte të infrastrukturës në zonën e lejuar;
- d) Hidrografia, hidrogeologjia;
- e) Demografia;
- f) Ekonomia e zonës dhe aktivitetet kryesore;
- g) Përshkrim i sistemit të shfrytëzimit;

- h) Përshkrim i proceseve të seleksionimit, thyerjes, fraksionizmit, pasurimit apo metodave të tjera që do të përdoren për përpunimin e mineralit dhe realizimin e produkteve të parashikuara, me skemat përkatëse teknologjike dhe treguesit;
- i) Punimet e hapjes të objektit mineral kapitalë dhe ndihmëse, parametrat e tyre;
- j) Punimet e shfrytëzimit të objektit mineral, parametrat e tyre;
- k) Pasaportat e shpim plasjes;
- l) Skema e ajrimit;
- m) Skema e furnizimit me ajër të ngjeshur;
- n) Skema e furnizimit me ujë;
- o) Skema e furnizimit me energji elektrike;
- p) Skema e transportit të përgjithshëm;
- q) Pasqyra përmbledhëse e pajisjeve dhe mekanizmave të përdorura në nëntokë dhe sipërfaqe ;
- r) Tabela përmbledhëse e investimeve;
- s) Harta topografike me zonën e kërkuar me dokumentimin e infrastrukturës së aktualizuar (e azhurnuar);
- t) Harta gjeologo-topografike me punimet e kryera për shfrytëzimin e xeherorit (puse, galeri, etj.);
- u) Planimetria e përgjithshme e minierës me punimet e hapjes. Harta topografike e sipërfaqes së minierës me rrugët, sistemimet, vendosjen e objekteve sipërfaqësore dhe sheshet e depozitimit të sterileve apo nënprodukteve, e projektuar;
- v) Harta topografike e vendburimit me konturet e zonave të rrezikshme nga influenca e shfrytëzimit;
- w) Planimetria e përgjithshme e objekteve të përpunimit të mineralit.

***D. Të dhënat për rezervat dhe për prodhimin mineral sipas projektit të zhvillimit të veprimtarisë minerare, të miratuar dhe të përditësuar:***

*Për lejet minerare të kërkim-zbulimit*

- a) Rezervat sipas vendburimeve dhe objekteve, sasia dhe cilësia e tyre;
- b) Metoda e llogaritjes së rezervave dhe tabela e llogaritjes së rezervave të mineralit; Rezervat gjeologjike dhe të nxjerrëshme të mineralit në sasi e cilësi;
- c) Të dhëna mbi mineralizimin dhe karakteristikat e trupave xeherore;
- d) Përmbajtja e elementeve të dobishëm.

*Për lejet minerare të shfrytëzimit dhe kërkim-zbulim-shfrytëzimit*

- a) Rezervat sipas vendburimeve dhe objekteve, sasia dhe cilësia e tyre;
- b) Metoda e llogaritjes së rezervave dhe tabela e llogaritjes së rezervave të mineralit, Rezervat gjeologjike dhe të nxjerrëshme të mineralit në sasi e cilësi;
- c) Të dhëna mbi mineralizimin dhe karakteristikat e trupave xeherore;
- d) Përmbajtja e elementeve të dobishëm;
- e) Rezervat e shfrytëzuara, të gatshme dhe të zbuluara;

***E. Të dhënat për zotëruesin e lejeve minerare :***

- a) Emri i subjektit mineral që është zotërues i lejes minerare sipas regjistrimit në QKR: ..... (një kopje e ekstraktit të QKR për shoqërinë në momentin e dhënies së lejes, e cila duhet të përditësohet duke reflektuar ndryshimet në këtë ekstrakt gjatë afatit të lejes minerare dhe në përfundim të këtij afati)
- b) Emri/Emrat e pronarëve të kompanisë minerare, zotëruese e lejes minerare, sipas përqindjeve të tyre në kompani sipas regjistrimit në QKR: ..... (përqindjet e aksionerëve në shoqëri në momentin e dhënies së lejes, e cila duhet të përditësohet duke reflektuar ndryshimet në këtë ekstrakt gjatë afatit të lejes minerare dhe në përfundim të këtij afati). Kur zotëruesi/zotëruesit kryesor të aksioneve të kompanisë

ndryshojnë ndryshimet në regjistrin mineralar duhet të reflektojnë aktin e transferimit të lejes.

- c) Emri dhe mbiemri i administratorit të subjektit zotërues i lejes minerare sipas regjistrimit në QKR : .....
  - d) Adresa e selisë së subjektit sipas regjistrimit në QKR: .....
  - e) Nr. telefonit /faksit: .....
  - f) Emri dhe mbiemri i drejtuesit teknik: .....
  - g) Të dhëna për licencën profesionale së drejtuesit teknik: data e lëshimit ...../...../....., institucioni që ka lëshuar licencën .....
  - h) Emri i personit dhe Nr. telefonit për raste emergjencash dhe aksidentesh: .....
2. Të dhënat që përshihen në regjistrin mineralar që kanë të bëjnë me:
    - i. situatën topografike të zonave minerare e të punimeve mbështetëse të veprimtarisë minerare,
    - ii. rezervat për prodhimin mineralar, dorëzohen nga zotëruesit e lejes në momentin e aplikimit për një leje minerare dhe depozitohen pranë Qendrës Kombëtare të Licencimit (QKL).
  3. Të dhënat për zotëruesin e lejeve minerare pas aktit të miratimit të ministrit, dërguar pranë institucionit të QKL, nga Drejtoria përgjegjëse në METE për veprimtarinë minerare mbahen po nga ky institucion.
  4. Të dhënat që përshihen në regjistrin mineralar që kanë të bëjnë me regjimin juridik të sipërfaqeve të zonave minerare dhe të sipërfaqeve fqinje, pronësinë, vlerësohen në aktin e verifikimit dhe vendimin e Këshillit Teknik nga Shërbimi Gjeologjik Shqiptar (SHGJSH) për zonat e kërkim-zbulimit dhe Agjencia Kombëtare e Burimeve Natyrore (AKBN) për zonat e shfrytëzimit dhe kërkim-zbulim-shfrytëzimit dhe dërgohen në QKL.
  5. Drejtoria përgjegjëse në METE për veprimtarinë minerare, Shërbimi Gjeologjik Shqiptar (SHGJSH) dhe Agjencia Kombëtare e Burimeve Natyrore (AKBN) kanë të drejtë të disponojnë on-line të dhënat që lidhen me objektin e punës së veprimtarisë së tyre.
  6. Regjistri mineralar për çdo leje minerare përfshin gjithashtu të dhëna për kundërvajtjet administrative të zotëruesit të lejes minerare, statusin e lejes minerare, pezullimi apo në procedure revokimi.
  7. Në regjistrin mineralar përfshihen gjithashtu të gjitha zonat minerare që janë mbyllur ose janë në proces mbyllje apo konservimi.
  8. Institucioni i QKL mban regjistrin mineralar duke lidhur të gjithë të dhënat për një zonë minerare me të dhënat e zotëruesit të lejes minerare dhe realizon administrimin e këtyre të dhënave për strukturat përgjegjëse të veprimtarisë minerare në bazë të akteve ligjore të funksionimit të kësaj qendre.
  9. Ndryshimet për zotëruesin e lejes minerare që realizohen nga transferimi i lejes duhet të reflektohen në regjistrin mineralar brenda një periudhe jo më shumë se 30 (tridhjetë) ditësh kalendarike nga data e aktit të transferimit.
  10. Ndryshimet e administratorit dhe drejtuesit teknik të realizuara në Qendrën Kombëtare të Regjistrimit (QKR) nga ana e subjektit mineralar dhe të reflektuara në ekstraktin e subjektit mineralar në QKR duhet të reflektohen automatikisht nga QKL në regjistrin mineralar.
  11. Kadastra minerare përfshin inventarizimin sistematik të të dhënave për sendet e paluajtshme, mbështetëse të veprimtarisë minerare, tokë, ndërtesa dhe instalime të sipërfaqes apo nëntokës, në aspektin teknik, ekonomik dhe të dhëna të tjera për zonat e lejuara minerare si me poshtë:

**A. Të dhëna për sipërfaqen e tokës së zonës së lejuar të një leje minerare:**

- a) Tokë bujqësore me nivelin e bonitetit;
- b) Tokë e fondit pyjor dhe kullosor;
- c) Tokë në pronësi të autoriteteve vendore;
- d) Tokë shtetërore;
- e) Tokë private;
- f) Tokë në pronësi të subjektit zotërues i lejes minerare;

**B. Të dhëna për pasurinë e paluajtshme të zotëruesit të lejes minerare:**

- a) Punime themelore, ndihmëse dhe të shfrytëzimit, për zhvillimin e veprimtarisë minerare në nëntokë ose me karrierë.
- b) Objekte sipërfaqësore si rrugë automobilistike për hapjen dhe shfrytëzimin e objektit mineral, kolona pusesh, anekse, zyra, dushe e tualete, garderobë, fjetore, mensë, magazinë materiale, sallë kompresorësh, kabina elektrike, stacion pompimi, ofiçina, depo e lëndës-plasëse dhe ambiente të tjera.
- c) Tokë e zonës së lejuar të lejes minerare në pronësi të subjektit zotërues i lejes minerare.
- d) Makineri e pajisje të nëntokës apo sipërfaqes që përdoren për zhvillimin e veprimtarisë minerare.
- e) Impiante përpunimi të mineralit.
- f) Impiante të riciklimit të mbetjeve dhe ujërave.
- g) Pajisje për monitorimin e veprimtarisë minerare dhe rrezikut mineral.
- h) Dambat apo strukturat e ndërtuara për depozitimin e mbetjeve.
- i) Vlerën financiare të pasurive të paluajtshme të vlerësuara në momentin e regjistrimit.

**C. Të dhëna për pasurinë e paluajtshme ekzistuese në zonën e lejuar të lejes minerare:**

- a) Punime themelore, ndihmëse, të shfrytëzimit të realizuara në objektin mineral nga ish ndërmarrjet minerare shtetërore ose zotërues të mëparshëm të lejes minerare për atë objekt mineral.
- b) Objekte sipërfaqësore të ndërtuara në objektin mineral nga ish ndërmarrjet minerare shtetërore ose zotërues të mëparshëm të lejes minerare për atë objekt mineral, si rrugë automobilistike për hapjen dhe shfrytëzimin e objektit mineral, kolona pusesh, anekse, zyra, dushe e tualete, garderobë, fjetore, mensë, magazinë materiale, sallë kompresorësh, kabina elektrike, stacion pompimi, ofiçina, depo e lëndës-plasëse dhe ambiente të tjera.
- c) Tokë e zonës së lejuar të lejes minerare në pronësi të shtetit dhe/ose autoriteteve vendore dhe/ose private dhe/ose kompensuar.
- d) Makineri e pajisje të nëntokës apo sipërfaqes që përdoren për zhvillimin e veprimtarisë minerare që kanë qenë pronësi e ish ndërmarrjeve minerare shtetërore.
- e) Impiante përpunimi të mineralit, impiante të riciklimit të mbetjeve dhe ujërave, pajisje për monitorimin e veprimtarisë minerare dhe rrezikut mineral, damba apo struktura të ndërtuara për depozitimin e mbetjeve që kanë qenë pronësi e ish ndërmarrjeve minerare shtetërore.
- f) Vlerën financiare të pasurive të paluajtshme, të vlerësuara në momentin e regjistrimit.

**D. Të dhëna për pasuritë e paluajtshme të tjera të realizuara nga zotëruesi i lejes minerare në kuadrin e veprimtarisë minerare, por jo të lidhur me këtë veprimtari që mund të jenë ose të mos jenë pronë e zotëruesit të lejes minerare:**

- a) Objekte social-kulturore, të edukimit, objekte për mbrojtjen e shëndetit të komunitetit të zonës minerare.
  - b) Objekte të infrastrukturës si rrugë, etj., që i shërbejnë komunitetit të zonës minerare.
12. Të dhënat, që kanë të bëjnë me pasuritë e paluajtshme të krijuara nga zotëruesi i lejes minerare që përshihen në kadastrën minerare regjistrohesh në këtë kadastrë pas kërkesës së

zotëruesit të lejes minerare që vërteton pronësinë e tyre në përputhje me kërkesat e legjislacionit në fuqi për pronësinë e paluajtshme.

13. Të dhënat që përshihen në kadastrën minerare dhe kanë të bëjnë me pasuritë e paluajtshme të krijuara nga ish ndërmarrjet shtetërore minerare regjistrohen në kadastrën minerare pas vlerësimeve të institucioneve minerare dhe paraqitjes së këtyre vlerësimeve në QKL, ku behet regjistrimi i tyre për çdo objekt mineral apo zonë minerare.
14. Të dhënat për pronësinë e tokës merren nga institucionet përkatëse të vërtetimit të kësaj pronësie dhe regjistrohen në kadastrën minerare nga QKL ku bëhet regjistrimi i tyre për çdo objekt mineral apo zonë minerare.
15. Institucioni i QKL mban kadastrën minerare, duke lidhur të gjithë të dhënat për një zonë minerare me të dhënat e pasurive të paluajtshme, pronësisë së tokës së kësaj zonë minerare dhe realizon administrimin e këtyre të dhënave për strukturat përgjegjëse të veprimtarisë minerare në bazë të akteve ligjore të funksionimit të kësaj qendre.
16. Të dy dokumentet e regjistrimit mineral dhe kadastrës minerare lidhen me njeri tjetrin nëpërmjet zonës minerare që është elementi i parë identifikues i të dy regjistrave.
17. Regjistrat regjistrohen në formë elektronike në institucionin e QKL. Niveli i konfidencialitetit të të dhënave realizohet në respekt të kërkesave të legjislacionit mineral dhe legjislacionit shqiptar në fuqi.
18. Për zbatimin e këtij urdhëri ngarkohen institucionet e QKL, QKR, SHGJSH, AKBN dhe Drejtoria Përgjegjëse në METE që trajton problematikën e lejeve minerare.

Ky urdhër hyn në fuqi menjëherë.

**MINISTRI**

**NASIP NAÇO**

